



QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Jovis
decimâ-quintâ Novembris.

M. FRANCISCO-FAUSTO ALLIOT,
Doctore Medico, Præside.

An Hyemali Peripneumoniæ venæ sectio, ἡ γερωνίχου?

I.

PULMO princeps organum operis sanguinei, viscus est rarum, molle, membranofum, telæ instar ex mirâ vasorum societate contextum. Pars illa corporis, ut omnium penè primaria, sic pluribus obnoxia morbis. Quid mirum? singulis partibus dum benefacit, malè affectarum penas luit. Nec satis est è meliore luto sinxisse præcordia naturam, nisi accedat aliorum viscerum integritas, quæ ad vitalis succi perfectionem junctis viribus conspirer. Si vel unum officio suo malè fungitur, statim moles sanguinea vitium contrahit, tantò gravius, quantò major pars, quæ peccat. Atque utinam sibi soli peccaret, sed quidquid peccat plectitur insons pulmo, quoties pro sanguine puro sordidum, pro cocto crudum, pro spirituoso vappidum, pro fluxili viscidum, pro tenui crassum, pro subtili & actiuoso, fixum & inertem reponunt vilioris notæ viscera. Ex hoc fonte plerumque profluunt spiratio difficilis, orthopnœia, obstructio, & cujuscumque indolis peripneumonia. Hybernâ time, cum sanguis crassior aut tenax exiles pulmonum tubulos obstruit & solemnem circuitûs motum inturbat. In tam gravi morbo, sit tibi præcipuum id præsidii genus quod temperet, attenuet, vacuet humorem viscidum, à quo pulmonum infarctus & inflammatio.

CALOR & frigus præcipua sunt naturæ instrumenta. Horum ut motus varii, sic effectus planè diversi. Calor sanguinem comminuit & rarefacit, frigus sanguinem cogit & incrassat. Par utriusque necessitas. Sanguis æstivo calore suprâ modum evectus tenues evanesceret in auras, ni modicum frigus avolantem detineat, effugientem coërceat. Hinc alternæ vices æstatis, hyemisque. Hæ lenem ac tranquillum moderantur sanguinis motum, quandiu non excedunt. Quum excedunt, eundem pervertunt. Æstas ignea bilem exacuit, unde sanguinis æstus, hyems gelida pituitam congerit, unde sanguinis pigrities. Ex duplici hæc sanguinis labe peripneumonia duplex, biliosa & pituitosa. Utraque est inflammatio pulmonum cum febre acutâ, dyspnœiâ, tussi, anxietate, genarum rubore, aliisque symptomatibus, quorum syndrome morbi vehementia noscitur. Biliosa se prodit, quoties pars sanguinis mobilior orgasmo percita, pulmonum arctioribus vasis contineri nescia, eadem cum perrumpere nequit, saltem plurimum expandit. Pituitosam expectat, cum pituita lenta ad concrescendum prona, minimos pulmonum ductus non satis expeditè percurrit, in iisdem hæret, stagnat, sanguinis transitum præpedit. Licet varia sit utriusque origo & natura, utramque tamen vix internoscas, sed internoscere ad praxim quid attinet? Constat hybernæ parentem esse pituitam crassiorem, morbi causam auferet, qui humorem illum incidet, in minima dividet, faciet mitiorem.

I I I.

FRIGUS immodicum cum aliis partibus, tum pectori maxime inimicum, sanguinis circuitum prohibet, cutis meatus occludit, pulmones coarctat. Hinc oritur hyberna pulmonum inflammatio. Præpeditâ perspiratione serum per poros diffusi solitum, in sanguinem refluit. Sanguis uberiore sero turgidus, nimio pressus frigore, patens & amplum arteriæ pulmonaris ostium facile subit, pars ejusdem crassior ex alveo in rivulos ægrè protrusa, in iis silitur, hinc obstructio, inflammatio, spiratio difficilis. Pars serosa in ipsis pulmonum interstitiis colligitur, hinc tussis & catharrus. Accedit in sui ipsius perniciem ipse pulmo, qui ab incumbente aëre plus æquo constrictus, humorem parti jam infixum reciproco motu altius adigit. Accedit & in mali incrementum frigidior aër. Hic per trachææ bronchia ad vesiculas us-

que permeans sanguinem, cui miscetur, glutinosum reddit, & infarctum sic adauget. Hinc circa hyemis exitum & veris primordia concursus symptomatum, quæ in æstivâ pulmonum inflammatione citius, in hybernâ tardius emicant. Signum posterioris pathognomonicum, febris initio parva, spirandi difficultas extrema & præfocans. Præceps est morbus & periculi plenus, promptum clamat & singulare remedium. Præsto est venæ sectio. Aliud frustra quæras, quod attenuet humorem crassum, à quo hyberna pulmonum inflammatio.

I V.

VENÆ sectio remedium est omnium longè præstantissimum. Quo nulla impunè careat Medicorum secta. Infelix in mendo, qui illud parcè & rarò adhibet. Infelicior qui numquam, felicissimus, qui frequenter & opportunè. Cave tamen, nè plus ipsi tribuas quam recta ratio postulet. Errat qui omnibus utile prædicat morbis, desipit qui nullis, sapit qui pluribus. Ferè omnes ex vitio sanguinis ortum reperunt, nullum ferè sanguinis vitium non emendat, atque ut fervidioris æstus temperat & furientis impetum retundit; sic languentem recreat, torpenti vires addit, & perturbatis humoribus debitum restituens motum, dolores ex tensione placat, fluxiones cohibet, cutis spiracula refferat, obstructions solvit & omni medetur inflammationi. Quid ni & peripneumoniæ hybernæ? Morbum parit densioris texturæ sanguis, morbum tollet idem sui juris factus & à crassiorum partium vinculis solutus. Qui enim ex facili fluet, stagnantem in sui motus leges coget, sicque præclusam sanguini, seroque viam aperiet. Nec te à secandâ venâ deterreat ætas puerorum tenera aut senum provectior, non graviditas mulierum, non improvisus menstruorum effluxus, non per nares aut hæmorrhoidas sanguinis stillicidium, non infida & crisi prorsus impar *ἐπίσπασις*. Quidquid tale evenerit, non ideo tibi ferrum è manibus excidat. Sola venæ sectio pulmonem ab impendente præfocationis periculo liberare potest, sola coagulari aptum humorem, turò citòque potest à concretionem tueri aut vindicare.

V.

CUJUSCUMQUE ergo sit originis & naturæ peripneumonia, biliosa vel pituitosa, ætatis vel hyemis soboles, à sanguinis æstu, vel à prolapsu catharri ad jugulum & mammam, vel extrâ diaphragmatis fines sese extendens; Procul omnis vini, ster-

coris equi, muli, sanguinis hircini, diaphoreticorum vel illustriorum usus. Sus deque purgantium apparatus; hæc pernicioſa cum humores crudi ſunt, non fluxiles & concocti: tunc partes rigidæ, inflexiles nihil dimittunt, & inani pharmaci irritamento majus concipiunt incendium, vel cruda materies vehementius concita, hinc indè excurrit, viscera torminibus diſcruciat, ventrem indurat, & in affectum pulmonem præceps ruit; unde ingraveſcunt ſymptomata, quorum ſævitie brevi jugulatur æger. Quid verò in acutis omnibus pertimeſcendam in peripneumoniâ hybernâ purgationem commendet? num quia revellit? Hic ſola *νεκρωσις* locum habet, *αντίσπασις* nullum. Ex ipſo fonte mali ſcaturiginem exhaurire datur, revellere non datur. Cum itaque non deferbuit ſanguis, & coctionis ſigna non eluceſcunt, ſit cane pejor & angue cathariſis, ſit una inſtar omnium venæ ſectio, ſit inſtar omnis armaturæ ſcalpellus. Hoc uno vinci ſe patietur morbus, aliis exaſperabitur arnis, & qui quandiù viget, omnem pharmaciæ pompam reſpuit, ſoli Chirurgiæ colla ſubmittet. Penès ſanguinem culpa, penès ſanguinem medela. Copioſum profunde & quantum morbi viriumque vigor exigent. Sola hæc medendi ratio tuta.

Ergò Hyemali Peripneumoniæ venæ ſectio, ἡ γαμονιχόν.

Domini Doctores diſputaturi.

<i>M. Ioannes-Baptiſta-Renatus</i>	<i>M. Franciſcus Afforty.</i>	<i>M. Nicolaus Rainſant.</i>
<i>Morcan, Profeſſor Regius.</i>		
<i>M. Nicolaus Peſſetier, rei herbariæ Profeſſor.</i>	<i>M. Nicolaus de Ienouvanc.</i>	<i>M. Petrus Pourret, Vnicæ Fratriſ Regiſ Medicus ordinarius, & Scholarum Profeſſor.</i>
<i>M. Renatus le Come.</i>	<i>M. Germanus Preaux.</i>	<i>M. Antonius de Cnén.</i>

Proponebat Pariſiis MICHAEL SAUVALLÉ, Ebroicus, Baccalaureus Medicus. A. R. S. H. 1691.

Apud Franciſcum Muguet, Regiſ & Facultatiſ Medicinæ
Typographum.